

朝鮮史料汇编



中国文献珍本丛书

朝鲜史料汇编

(四)

全国图书馆文献缩微复制中心

朝鲜史料汇编总目录

第一册

宣和奉使高丽图经

第二册

高丽史（卷一—卷八）

第三册

高丽史（卷九—卷十八）

第四册

高丽史（卷十九—卷二十八）

第五册

高丽史（卷二十九—卷三十九）

第六册

高丽史（卷四十—卷四十九）

第七册

高丽史(卷五十一—卷五十六)

第八册

高丽史(卷五十七—卷六十六)

第九册

高丽史(卷六十七—卷七十五)

第十册

高丽史(卷七十六—卷八十四)

第十一册

高丽史(卷八十五—卷九十五)

第十二册

高丽史(卷九十六—卷一〇五)

第十三册

高丽史(卷一〇六—卷一一四)

第十四册

高丽史(卷一一五—卷一二七)

第十五册

高丽史(卷一二八—卷一三七)

第十六册

经略复国要编(卷一—卷七)

第十七册

经略复国要编(卷八—后附)

第十八册

两朝平壤录

万历三大征考

惩毖录

征韩伟略

第十九册

朝鲜纪事

使朝鲜录

朝鮮圖說
朝鮮志

第二十冊

朝鮮史略

清乾隆四十八年朝鮮國王咨文

朝鮮國王李琠上清宣宗（道光）表文

朝鮮國王李煥上清宣宗（道光）表文

朝鮮國王李昇上清文宗（咸丰）表文

朝鮮國王李昇上清穆宗（同治）謝表

朝鮮國王李熙上清穆宗（同治）謝表

世家卷第十九

高麗史十九

正憲大夫曹判書集賢殿大提學知經筵春秋館事憲成均太晟巨鄭麟趾奉

教修

毅宗三

丑巳

二十三年春正月戊午朔王受朝賀代製臣僚賀正表宣示宰樞近侍國學文臣于是禁內六官文臣等奉表賀御製王喜賜酒果以行頭直翰林院田致儒局內侍大學官又率六官學生與中朝制科者各上表稱賀賜酒脯辛未燃燈王如奉恩寺丁丑設消灾道場于宣慶殿巳卯醮二十八宿又醮北斗甲申設二十七位醮于奉元殿天帝釋道場于修

文殿七日 乙酉移御楊堤洞離宮 丁亥幸奉香
里離宮宴群臣仍賜宋商及日本國所進玩物 二
月乙未幸喜美亭醺十一曜二十八宿于內殿 戊
戌宴群臣 庚子夜移御選地書齋 丁未幸念賢
寺 己酉移御和順齋 醺十一曜南北斗二十八
宿十二宮神于修文殿 癸丑移御館北宮 乙卯
設三界醺時齋醺之費寔繁都祭都齋二庫未支其
用又立館北奉香泉洞三宮各置負僚徵求諸道轉
輸三宮者絡繹于道民皆愁嘆內侍劉邦彥秦得文
李竦金應和金存偉鄭仲壺希胤魏綽然等深結官
寺約為兄弟以剝民媚主為事勅寺繪佛設齋祝聖

又置別貢金銀鑰銅匙四。由是得幸不次除官
任言責者皆阿上意無一直諫者 三月己未王以
巡御西都親製疏文設羅漢齋于山呼亭 辛酉醮
太乙十一曜南北斗十二宮神于內殿 乙丑幸西
京 戊辰駐駕平州泛舟崇壽院南池夜宴扈從臣
僚 乙亥至西京 己卯幸永明寺泛龙舡于大同
江置酒遂御浮碧樓 庚辰移九梯宮 壬午自永
明寺泛舟至洪福寺遂幸仁王寺 癸未幸八景亭
觀水戲 乙酉發西京 夏四月辛卯雩自正月不
雨至于月 庚子駕至渭江龙瑞亭乘舟置酒
癸卯還京都赦二罪以下 詔加所歷名山大川神

祇號鰥寡孤獨篤廢疾及孀夫節婦孝子順孫並賜
物廬從文武員吏加次第同正職其餘雜類賜物有

差 五月乙丑出御普賢院 己巳移御慈孝寺

辛未幸皇樂亭遂幸長湍 乙酉還館北宮 六月

丙戌朔王如奉恩寺 乙未宴宰樞侍臣于延福亭

移御玄化寺 秋七月乙卯朔幸歸法寺移御安和

寺 辛酉將御碧岑亭御史臺伏閣論離宮行幸之

繁與按察、訪枉法之事皆不聽 丙寅移御尚書

右丞金光中第 金遺橫賜使符寶郎徒單懷貞來

賜羊二千 八月甲寅朔日食 己亥移御普賢院

十一月甲戌金遺大府監馬貴忠來賀生辰 庚

辰宴金使于仁恩館 十二月壬午朔中書侍郎平
章事金永胤卒 庚子王還館北宮 以許洪材為
中書侍郎平章事判尚書吏部事李光縉試兵部尚
書尹麟瞻為右諫議大夫金起萃為侍御史知制誥
朴允恭為殿中侍御史

庚寅

二十四年春正月壬子朔王受賀于大觀殿親製臣
僚賀表宣示群臣表曰三陽應序萬物維新玉殿春
回龍顏慶洽一元而敷惠欽諸福以大和是大人
道長之初乃陽德氣萌之始恭惟陛下重高之聖哲
疊舜之聰明百福是叢新又新而不息天齡更固月
復月以無期仁洽道豐微一物不獲其所修文偃武

卷九

三

五

寔萬世無疆之休適當交泰之時益篤方來之慶擁
神休于北闕保國壽于南山玉帛爭來萬邦預駸奔
之列梯航畢集四方無後至之人受賀良辰倍鍾純
嘏況今以萬幾之暇修三接之覲勤樂與詞臣垂文
章四六之盛作天臨密席誨詩書經史之妙文自北
使上壽而致辭西域獻寶而稱帝常有天人之密助
每加福慶以川增開不世之新祥接王者之一統臣
隣歸美史冊有先生民以來今日無對臣等遭逢盛
世涵泳明時仰瞻萬乘之威超詣北辰之所六樂九
奏雖一比簡子之遊萬歲三呼胡不祝漢皇之壽百
官表賀是日御奏元殿誨書益稷 丙寅燃燈王如

奉恩寺 己卯王如靈通寺設華嚴會親製佛疏宣
示文臣百官表賀 辛巳還宮命諸王結綵幕于廣
化門左右廊管絃房大樂署結綵棚陳百戲迎駕皆
飾以金銀珠玉錦綉羅綺珊瑚玳瑁奇巧奢麗前古
無比國子學官率學生獻歌謠王駐輦觀樂至三更
乃入闕承宣金敦中盧永醇林宗植饗王于奉元殿
王歡甚達旦而罷 大原公倬卒 二月壬辰以中
書侍郎平章事許洪材知門下省事崔溫判中軍兵
馬事同知樞密院事徐醇樞密院副使李光縉為中
軍兵馬使 甲辰幸延福寺召許洪材知御史臺事
李渡基起居注韓賴等泛舟宴樂竟日遂御和平齋

甲申狼星見于南極西海道按廉使朴純淑以為
老人星馳駒以聞 辛亥王如靈通寺 三月乙卯
移御延福亭 丁巳王欲幸西江夢有一婦人立門
告曰王若遊西江必待五月王覺乃止 庚申與許
洪材李復基韓賴金敦中等泛舟曲宴壬戌亦如之
乙丑又宴于舟中夜半辛亥化寺道遇大雨馳馬
而至 己巳遣知門下省事崔溫祭西京老人堂右
副承宣林宗植祭老人星于海州床山凡内外有老
人堂皆遣使祭之 夏四月辛巳朔親醮老人星于
內殿 甲申忠州牧副使崔光鈞奏前月二十八日
祭老人星于竹杖寺其夕壽星見至三獻乃沒王大

于金即命同文院移牒以行全國指揮金主聞之曰
彼國誕得繼孫良為慶事欲申告謝已識忠勤不煩
遠遣使來事遂寢 丙午曲宴于舟中 六月庚戌
朔延福亭南川堤決命復塞之 戊午詔曰軍卒力
竭不能隄防宜發丁坊里築之開水門四五所劾亭
堤上植以奇花異木 癸酉御普賢院 秋七月己
卯朔日食 庚辰與許洪材李復基韓賴等泛舟于
普賢院南溪置酒唱和 壬午又曲宴 甲申李復
基私獻服玩及酒肉脯果夜王泛舟宴宰樞侍臣頌
謂復基曰愛君之忠誰復如卿 乙酉亦如之 甲
午以許洪材為門下侍郎同平章事崔溫叅知政事

李光縉同知樞密院事梁紉精為樞密院副使左遷
知樞密院事徐淳為尚書左僕射判秘書省事淳質
直無華不求媚左右為李復基所短故也夜泛舟與
洪材及諸侍臣曲宴 八月戊申朔延福亭南川堤
又決大發卒塞之怨咨盈路 戊午幸東江書齋

水州民耕田得金一鉸長二寸許頭尾双尖狀如龜
知州事吳錄之取以馳獻王以示左右左右呼萬歲
曰天降金龜聖德之應群臣皆賀 丙子王自延福
亭如興王寺 丁丑王將幸普賢院至五門前召侍
臣行酒、酣頤左右曰杜哉此地可練兵法命武臣
為五兵手搏戲至昏駕迎普賢院李高與李義方先

行矯旨集巡檢軍王總入院門群臣將退高寺殺林
宗植李復基韓賴凡扈從文官及大小臣僚官寺皆
遇害又殺在京文臣五十餘人鄭仲夫寺以王還宮
九月戊寅朔補時王入康安殿仲夫寺又索隨駕
內侍十餘人宦官十人殺之王坐修文殿飲酒自若
使伶官奏樂夜半乃寢李高蔡元欲弑王梁淑止之
巡檢軍穿破窻壁竊內帑珍寶仲夫逼王迁于軍器
監太子于迎恩館 己卯王單騎遜于巨濟縣放太
子于珍島縣 是日仲夫兼方高寺領兵迎王弟翼
陽公皓即位明宗三年八月金甫當遣人奉王出居
雞林十月庚申李義收弑王于坤元寺北淵上壽四